

Wučerjo běchu *a*) we Łutach: Kužnow, Rězbark (wok. 1807), Keil, Kopf (= Głowa), Hejnca († 1840), Lehmann 1840—74, Žyłow (Sichlow), wšitcy Serbja z wuwzaćom Lehmanna; *b*) w Košynje: Keil wok. 1813 (džěše wottudy do Łutow, Čorneho Khołmca, Kałkojc), Hejnca (prińdže do Łutow), Hilženc z Lěskeje p. Slepoho (woteńdže w l. 1845 do Kosćebrana), 1845—47 vacat, 1847—80 Nowak z Paprotneje p. Drjewka.

Łuta su nahladna a bohata wjes z nowymi massivnymi dworami, dokelž su so w l. 1769 nimó fary a jenocho doma cyłe a w l. 1861 z wulkeho džěla wotpalile. Cyrkej je stara kamjeńtna z katholskich časow z drjewjanej zwónicu pódla, a šula je w l. 1827 z nowa twarjena. Łuta maju w 75 hospodařstwach 450 wobydleri a, dokelž tam žadyn knježi dwór njeje, 34 burskich kubłow, wjele poľeństwow a něšto khěžkarjow. We wšěch domach rěči so serbski a to tež z džěćimi; w šuli pak so z najmjeńša wot l. 1840 ani słowčka serbski wjacu wučilo njeje, tak zo džěći, jako so je nowy wučer Žyłow raz spyta serbski prašeć, so hanibowachu jemu serbski wotmołwić. Jenož dwaj khěžkarjej staj němskaj, rozumitaj a wotmołwjataj pak tež serbski. Předowało je so serbski hišće wot fararjow Markusa a Kubicy hač do lěta 1876 wšě tak mjenowane poľswjate dny, a hewak bu kóždu njeđzelu sćenje tež serbski čitane. — Před jenym burskim dworom słyšach šulske džěći serbski so rozmołwjec, w jenym domje pak so mała holčka hanibowaše ze mnu serbski rěčeć. W korčmje rěčachu tři džělaćerjo němski.

Wsy Lipoj a Tornow stej, kaž mi prajachu, hišće serbskej; w škleńčeřnjach Janoweho Doła džělaju Němcy a Češi; w Hózneje rěčiteje dvě třecínje wobydleri hišće stajnje serbski a to tež z džěćimi, w šuli pak so wšo němski wuču, runjež je wučer rodzeny Serb. Za to je korčmař Němc. Wšitcy ludžo, z kotrymiž rěčach, wotmołwjachu mi serbscy, jenož jena žona, kotraž bě z Němcow rodzena, rozumješe drje, ale njemóžeše serbski powědać.

Košyna, nětko zwjetša wot luda wězo po němskim Gross-Koschn kepsnje Wilka Košna narjekowana, je kaž Łuta rjana, nahladna a po zdaću bohata serbska wjes z lutymi nowymi massivnymi twarjenjemi, wotpaliwši džě so k poľojcy w l. 1853 a